



Broj: 01-23-9-392/19-7

Datum: 24.6.2019. godine

Na osnovu člana 64. stav 1. tačka b), člana 70. stav 1., 3. i 6. Zakona o javnim nabavkama BiH („Službeni glasnik BiH“, broj 39/14), člana 39. Statuta Općine Travnik („Službene novine Općine Travnik“, broj 11/05 - Prečišćeni tekst), a u vezi s preporukom Komisije za javne nabavke broj: 01-23-9-392/19-4 od 21.6.2019. godine, načelnik Općine Travnik, d o n o s i

## **R J E Š E N J E**

- (1) Najpovoljnija ponuda za javnu nabavku radova: „Izvođenje radova na izgradnji javne rasvjete na području Općine Travnik“, sa podjelom na 9 lotova, je ponuda ponuđača „STEP“ D.D. SARAJEVO sa ponuđenom cijenom za LOT 6 – Izgradnja javne rasvjete u Lovrićima, Bikićima i Ričicama u iznosu od 10.231,00 KM bez PDV-a.
- (2) Izabrani ponuđač je dužan u roku od 5 (pet) dana od dana zaprimanja ovog Rješenja, na adresu Općine Travnik – stručni saradnik za javne nabavke, Konatur bb 72270 Travnik, dostaviti originale ili ovjerene kopije dokaza traženih tenderskom dokumentacijom ne starije od 3 (tri) mjeseca od dana predaje ponude, u skladu sa Izjavom ponuđača, s tim da datum izdavanja dokumenata ne smije biti nakon datuma podnošenja ponude. Prijedlog ugovora o nabavci dostavit će se na potpis gore izabranom ponuđaču po protoku roka od 15 dana od dana kada su ponuđači obaviješteni o izboru najpovoljnije ponude.
- (3) Za izvršenje ovog Rješenja i praćenje realizacije ugovora zadužuje se Služba za obnovu, izbjeglice, raseljena lica i stambene poslove.
- (4) Ovo Rješenje objaviće se na web-stranici Općine Travnik, istovremeno sa upućivanjem ponuđačima koji su učestvovali u postupku javne nabavke, shodno članu 70. stav 6. Zakona o javnim nabavkama
- (5) Ovo Rješenje stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.

## **O b r a z l o ž e n j e**

Postupak javne nabavke radova „Izvođenje radova na izgradnji javne rasvjete na području Općine Travnik“, sa podjelom na 9 lotova pokrenut je Rješenjem o pokretanju postupka javne nabavke broj: 01-23-9-392/19 od 17.5.2019. godine. Javna nabavka provedena je putem otvorenog postupka javne nabavke. Procijenjena vrijednost javne nabavke bez uračunatog PDV-a iznosi 59.823,40 KM što predstavlja zbir procijenjene vrijednosti radova iz 9 lotova.

Postupak je objavljen u Informacionom sistemu „E-nabavke“ Agencije za javne nabavke BiH – broj obavještenja: 54-1-3-56-3-34/19 od 20.5.2019.godine, a sažetak obavještenja o javnoj nabavci u „Službenom glasniku BH“ broj 36/19.

Rok za dostavljanje ponuda u skladu sa tenderskom dokumentacijom bio je 17.6.2019. godine.

Komisija za javnu nabavku imenovana je Rješenjem broj: 01-34-16-112/19 od 29.1.2019. godine te je shodno Članu 63. Zakona o javnim nabavkama BiH („Službeni glasnik BiH“ broj 39/14) izvršila javno otvaranje u roku dostavljenih ponuda.

Javnom otvaranju prisustvovao je ovlašteni predstavnik ponuđača GPPD „VLAŠIĆ – GRADNJA“ d.o.o. Travnik. Zapisnik o otvaranju ponuda ponuđačima je prosljeđen putem elektronske pošte dana 17.6.2019. godine.

Komisija je izvršila analizu dokumentacije priložene uz ponude u smislu propisane forme, suštinske provjere sadržaja i njihove validnosti obzirom na iskazane zahtjeve ugovornog organa u tenderskoj

dokumentaciji, odnosno izvršila ocjenu ponuda u skladu s procedurama i pravilima utvrđenim tenderskom dokumentacijom, Zakonom o javnim nabavkama, pripadajućim podzakonskim aktima i internim aktima ugovornog organa, o čemu je sačinila odgovarajući zapisnik u kojem je utvrđeno sljedeće:

- Da je ukupno prispjelo 5 (pet) ponuda;
- Da su blagovremeno zaprimljene 5 (pet) ponuda,
- Da su ponude ponuđača CONRAM D.O.O. BRČKO, GPPD VLAŠIĆ-GRADNJA D.O.O. TRAVNIK, MIG ELEKTRO D.O.O. MRKONJIĆ GRAD, STEP“ D.D. SARAJEVO i DOMOINVEST D.O.O. BIHAĆ prihvatljive.

Komisija je na osnovu kriterija za dodjelu ugovora – najniža cijena, sačinila rang listu za lot 6 kako slijedi:

#### LOT 6 – Izgradnja javne rasvjete u Lovrićima, Bikićima i Ričicama

Rang	NAZIV PONUĐAČA	Cijena bez PDV-a	POPUST	PDV 17 %	Ukupna cijena sa popustom i PDV-om
1.	STEP D.D. SARAJEVO	10.231,00 KM	0,00 KM	1.739,27 KM	11.970,27 KM
2.	MIG ELEKTRO D.O.O. MRKONJIĆ GRAD	10.805,00 KM	540,25 KM	1.745,01 KM	12.009,76 KM
3.	GPPD VLAŠIĆ-GRADNJA D.O.O. TRAVNIK	10.275,00 KM	0,00 KM	1.746,75 KM	12.021,75 KM
4.	CONRAM D.O.O. BRČKO	10.982,00 KM	0,00 KM	1.866,94 KM	12.848,94 KM
5.	DOMOINVEST D.O.O. BIHAĆ	11.965,00 KM	0,00 KM	2.034,00 KM	13.999,00 KM

Komisija za ovu javnu nabavku, dostavila je dana 21.6.2019. godine općinskom načelniku Zapisnik o radu Komisije i ocjeni ponuda koji je ujedno i Izvještaj o radu Komisije sa preporukom o izboru najpovoljnijeg ponuđača za predmetnu javnu nabavku.

Shodno navedenom Komisija je prema utvrđenom kriteriju „najniža cijena“ preporučila općinskom načelniku da se u predmetu javne nabavke „Izvođenje radova na izgradnji javne rasvjete na području Općine Travnik“, sa podjelom na 9 lotova, donese Rješenje o izboru najpovoljnijeg ponuđača i da se kao najbolje ocijenjena prihvatljiva ponuda za radove iz lota 6 određuje ponuda ponuđača „STEP“ D.D. SARAJEVO te da se u skladu sa Članom 69. stav (1) alineja pod a) i Članom 70. stav (1) Zakona o javnim nabavkama BiH postupak javne nabavke okonča zaključivanjem ugovora sa najpovoljnijim kvalifikovanim ponuđačem za navedene lotove.

Tokom donošenja ovog rješenja posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, računsku kontrolu ponuđenih cijena, te ocjenu prispjelih ponuda shodno kriterijima iz Tenderske dokumentacije.

U postupku ocjene provedenog postupka načelnik Općine nije našao nepravilnosti ili propuste u radu, koji bi eventualno bili razlog za neprihvatanje preporuke Komisije za javne nabavke. Naime utvrđeno je da je izbor najpovoljnijeg ponuđača izvršen u skladu sa Zakonom o javnim nabavkama i Tenderskom dokumentacijom.

Ugovorni organ će dostaviti prijedlog ugovora onom ponuđaču čija je ponuda na rang listi odmah nakon ponude najuspješnijeg ponuđača u slučaju da je ispunjen neki od uslova iz člana 72. stav (3) Zakona o javnim nabavkama.

#### POUKA O PRAVNOM LIJEKU:

Protiv ovog Rješenja može se izjaviti žalba Uredu za razmatranje žalbi BiH putem Ugovornog organa, u pisanoj formi, najkasnije u roku od deset dana od prijema istog. Naknada za žalbu je propisana članom 108. Zakona o javnim nabavkama. Žalba se podnosi u dovoljnom broju primjeraka, koji ne može biti manji od tri.

#### DOSTAVITI:

1. Ponuđačima
2. Arhiva.

